

一以長元元年八幡宮御體動否御占不可引申證據事、

件御占者推動否之一條今御占者涉作渡之兩方然則一事之占依神將之吉凶兩方之推判彼是之勝劣專不叶准據者也、略○中

一二籌御占依爲不吉不可被奉渡護國寺御體事、

發用帶騰蛇凶將也傳得太一凶將也將帶勾陣凶將也終帶白虎凶將也大歲上又帶白虎凶將也日上帶騰蛇凶將也卦遇伏吟凶卦也者

今檢經說等云新撰陰陽書云騰蛇臨人年日辰憂驚恐失精魂又神樞靈轄云在床上主疾病又神樞秘要云騰蛇者廻徨曲宜達車呻吟同神樞秘要云騰蛇有氣無氣之時常爲凶者也隨又有在床上加之在日上爲用然則被奉渡御體深可成恐歟又新金匱及大撓經云太一主火災勾陣主留連又神樞靈轄云勾陣主稽留據件等文縱雖欲奉渡護國寺御體稽廻徨難遂心事歟又新金匱及大撓經云白虎主瞋怒似可成凶縱雖欲奉渡護國寺御體稽留中途不遂心事歟伏吟者凶卦也具見上文抑如泰親之勘申以穢氣不淨等可爲凶者用帶騰蛇主穢氣凶一日上同之凶二終傳送白虎共爲金神爲死氣主穢氣不淨也凶三大歲上同之凶四辰上河魁玄武主不淨不信凶五御年上徵明大陰主穢氣不淨違例凶六卦遇玄胎四牝主不淨凶七就之案之第一御占有四箇之不淨不信用起神將吉多凶少第二御占有七箇之穢氣不淨不信違例用起神將凶多吉少兩條之是非一決而可知泰親之所引申長元御占雖有得禮不銷不淨今二籌已有得禮又不可銷不淨歟且任神慮且仰聖斷而已

右兩方推條依宣旨勘申如件

保延六年五月十二日

陰陽助兼陰陽博士因幡權介賀茂朝臣在憲

〔兵範記〕仁安二年十月九日癸卯殿下○藤原今朝令入宇治給明日還御後可內覽仍隨身御卜形歸